



Centro Integrado Gestão De Crise Sala De Situação

KOMUNIKADU BA IMPRENSA

23 de Jullu 2021, 17H00.

(Dr Rui Maria de Araújo, Kordenador Forsa-Tarefa ba Prevensaun no Mitigasaun Surtu Covid-19 iha Timor-Leste, CIGC-SS)

Ohin, lora 23 fulan Jullu 2021, hodi Centro Integrado Gestão de Crises, Sala Situação (CIGC-SS) nia naran, hakarak hato'o ba jornalista, no ba públiku tomak, informasaun hanesan tuir mai:

I. DADUS JERAL BA TIMOR-LESTE TOMAK:

- 1) Kazu **detetatu foun** ne'ebé relata ohin dia 23 de Jullu de 2021: **54** (iha **Dili 40**, Munisipiu seluk hamutuk 14).
 - Husi total kazu detetadu foun ohin: **mane 29, feto 25**.
 - Husi total kazu detetadu foun ohin, hirak ho idade **tinan <12:2**; ho idade **entre tinan 12-59 nain 51** (94,4%); ho idade **>60:1**.
 - Husi total kazu detetadu foun ohin, **24% maka sintomátiku** (hatudu sintomas).
- 2) **Kazu rekuperadu** ne'ebé ralata ohin, dia 23 de Jullu 2021: **45**.
- 3) Total **kazu ativu** ohin, dia 23 de Jullu 2021: **726**.
- 4) Total **kazu konfirmadu kumulativu** iha 23 de Jullu 2021 (sura husi 21 Marsu 2020): **10.281**.
- 5) Husi horiseik mai ohin, dia 23 de Jullu, hamutuk hotu Laboratóriu Nasionál Saúde halo **742 testes PCR iha Dili**, ho detalles hanesan tuir mai:
 - a) Vijilánsia sentinela: **22**.
 - b) Rastreiu ba kontaktu (Contact tracing): **10**.
 - c) Rastreiu Aleatóriu (Random Screening): **36**.
 - d) Viajen sai husi serka sanitária Munisipiu Dili: **542**.
 - e) Viajen internasionál: **38**.
 - f) Follow up iha quarentena: **112**.
- 6) Total testes PCR ne'ebé halo horiseik dia 22 de Jullu iha Munisipiu sira seluk, REAOA & HNGV, hamutuk **277**, ho detalle hanesan tuir mai: **(a) Baucau:92; (b) Ermera:67; (c) Maliana:16; (d) Maubisse:41; (e) RAEOA:45; (f) Suai:8; (g) Viqueque:15; (h) HNGV:26**.

- 7) Total **doze vasina ne'ebé fo'ona ba populasaun elijível** (tinan 18 ba leten), to'ohin dader 10H00, dia 23 de Jullu (tuir Sistema Informasaun Sáude iha Ministériu Sáude):

Tabela 1-Progresu vasina hasoru Covid-19 iha Timor-Leste.

	Total & % kumulativu 1ª doze	Total & % kumulativu 2ª doze
DILI	126.831 (59,3%)	61.919 (28,9%)
TIMOR-LESTE	262.933(34,8%)	74.918 (9,9%)


II. TABELA 2 - EVOLUSAUN SURTU COVID 19 IHA TIMOR-LESTE: HUSI 21 MARSU 2020 - 23 DE JULIU DE 2021.

Nº	MUNISIPIU	KAZU DETETA- DU FOUN IHA 24 ORAS IKUS	TAXA INSIDÉNSIA PUR 100 MIL ABITANTES	KAZU REKUPERA- DU IHA 24 ORAS IKUS	KAZU ATIVU	KUMULATIVU REKUPERADU	KUMULATIVU KAZU KONFIRMADU	ÓBITU IHA 24 ORAS IKUS	KUMU- LATIVU ÓBITU	KLASIFIKASAUN TRANSMISSAUN <i>(Tuir klasifikasaun transmissaun OMS nian)</i>
1	AILEU	0	0,8	0	6	40	46	0	0	Kazu iha Cluster
2	AINARO	0	0,0	0	9	48	57	0	0	Kazu iha Cluster
3	BAUCAU	5	2,7	11	93	611	704	0	0	Kazu iha Cluster
4	BOBONARO	1	0,4	2	33	229	265	0	3	Kazu iha Cluster
5	COVALIMA	0	0,3	0	51	196	247	0	0	Kazu iha Cluster
6	DILI	40	6,4	32	417	7754	8.192	0	21	Transmissaun Komunitária
7	ERMERA	7	0,8	0	60	145	205	0	0	Kazu iha Cluster
8	LAUTEM	0	1,3	0	11	48	59	0	0	Kazu iha Cluster
9	LIQUIÇA	0	0,2	0	1	25	27	0	1	Kazu iha Cluster
10	MANATUTO	0	0,0	0	1	86	87	0	0	Kazu iha Cluster
11	MANUFAHI	0	0,0	0	0	75	75	0	0	Kazu esporádiku
12	RAEOA	0	0,2	0	5	26	31	0	0	Kazu esporádiku
13	VIQUEQUE	1	5,1	0	39	246	286	0	1	Kazu iha Cluster
TOTAL		54	2,5	45	726	9.529	10.281	0	26	

III. EVOLUSAUN SURTU COVID 19 IHA MUNISIPIU DILI, MUNISIPIU SIRA SELUK NO MÓS RAEOA

- Atu bele hatene surtu ida ninia evolusaun, no mós surtu ne'e aumenta ka diminui, **indikador ida** ne'ebé matenek-nain epidemiolojia nian uza, maka **insidénsia**. Konvensionalmente insidénsia sukat **total kazu foun, kada loron, pur 100 mil habitantes**, no hatudu *risku ne'ebé populasaun iha atu hetan da'et moras ida*.

Gráfiku nº1: hatudu kazu detetadu foun kada loron iha Timor-Leste tomak, pur Munisipiu & RAEOA.




- Tabela 2 ho Gráfiku Nº1 iha leten hatudu katak média (rata-rata) ohin, husi insidénsia Covid-19 iha Timor-Leste durante loron 7 ikus maka **2,5/100 mil habitantes**, enkuantu ba deit **Munisipiu Dili 6,4/100 mil habitantes**.
- Iha semana ida ne'e, **insidénsia iha Munisipiu Dili nafatin a'as-liu Munisipiu sira seluk, tuir kedas ho Munisipiu Viqueque & Munisipiu Baucau**. Ida ne'e hatudu katak Munisipiu tolu ne'e maka iha risiko bo'ot liu atu populausaun hetan da'et, no hada'et tutan virus SARS-CoV-2, iha comunidade nia le'et.

IV. INFORMASAUN HUSI IZOLAMENTU VERA CRUZ

1. Iha dia 23 de Julu de 2021, izolamentu Vera Cruz halo tratamentu ba kazu detetadu nain 13. Iha área obstetrisia nain 3, iha medisina interna nain 7, iha sirurjia nain 3.
 - a) Sira nain **1 iha obstetrisia**, kategoria **leve** (mild) hotu.
 - b) Husi sira nain **7 iha medisina interna**, **2 grave** (2 uza ventilador), nain **2 moderadu**, nain **3 leve** (mild).
 - c) Sira nain **3 iha sirurjia**, kategoria **leve** (mild) hotu.

Gráfiku nº 2: Total kazu pozitivu hirak ne'ebé baixa ospital kada loron & kumulativu.



- Koluna kór verde hatudu kazu moderadu no grave ne'ebé baxa kada loron iha facilidade izolamentu Vera Cruz.
- Liña azul iha gráfiku ne'e, hatudu númeru kumulativu kazu moderadu no grave ne'ebé baixa iha Vera Cruz.

V. INFORMASAUN ADISIONÁL

1. Aproveita Komunikadu Imprensa ohin, atu informa ba públiku katak rezultadu sekuensiasaun genómica husi amostra 300 ne'ebé Laboratoriu Nasional Saúde haruka iha dia 14 de Jullu de 2021 ba Peter's Doherty Institute iha Melbourne, Australia, ho pedidu atu halo tes urjenti ba amostra balun, hadutu katak amostra husi ema nian 4 ne'ebé tama husi Indonesia iha dia 26 de Junho ho dia 8 de Julho, ***iha lineajen B.1.617.2 (Delta), variante ne'ebé preokupante, ka "variant of concern". Sira nian 4 ne'e iha hotu fatin kuarentena no izolamentu, 1 negativu ona, no fila ona ba uma, nain 3 sei nafatin sei iha izolamentu. To'o agora seidak iha evidénsia katak variante ida ne'e, nakda'et ona iha comunidade.***
2. Informa ba jornalista no públiku tomak katak, **ema ne'ebé rekuperadu ona husi moras Covid-19** & liu ona husi izolamentu terapéutiku domisiliar (iha uma-rasik) ka iha fatin ne'ebé Estadu prepara, wainhira atu desloka sai husi/tama ba serka sanitária, **LA PRESIZA halo swab**, maibé nafatin presiza hetan autorizasaun esepSIONÁL husi Diretor CIGC. Atu bele prosesa autorizasaun esepSIONÁL tenki hatudu Sertifikadu Alta husi Izolamentu, ne'ebé Ministériu Saúde, liu husi ninia Pilar 7, fo'o ba ema rekuperadu.
3. Aproveita hato'o mós ba jornalista no populausaun katak ema ne'ebé detetatu positivu, wainhira rekuperadu ona, bele simu vasina, doze dahuluk, ka doze daruak. **La iha kontra-indikasaun médika.** Lo'os duni, iha Sertifikadu Alta husi Izolamentu, hakerek informasaun hanesan tuir mai ne'e "*Ema ne'ebé rekuperadu, dí'ak-liu hein to'o másimu fulan 6 (neen), sura husi loron alta, maka foin simu vasina.*" Informasaun ida ne'e, fo'o sai ho baze ba númeru vasina ne'ebé seidak suficiente atu kobre populausaun Timor-Leste tomak. Maibé, tamba agora iha ona númeru vasina ne'ebé bo'ot, ema hotu ne'ebé rekuperadu husi moras Covid-19, wainhira hakarak simu ona vasina, bele hakbesik ba postu vasina, atu simu vasina.
4. Informa mós ba populausaun tomak katak ema ne'ebé **simu ona vasina doze daruak hasoru virus SARS-CoV-2** – naran vasina ida, husi hirak ne'ebé rekoñesidu husi Organizasaun Mundiál Saúde - bele ona sirkula livremente tama ka sai serka sanitária, no la presiza hetan autorizasaun esepSIONÁL husi Diretor Centro Integrado Gestão de Crises.
5. Aproveita informa mós ba públiku katak, fatin atu halo teste PCR maka hanesan tuir mai:

- Wainhira sente moras isin-manas, mear, kakorok moras ka sintoma seluk tan: **bele ba konsulta iha Sentru Saúde ne'ebé besik, atu bele halo swab.**
- Wainhira atu husu autorizasaun esepSIONÁL sai husi serka sanitaria iha Dili: **bele ba halo swab iha Centro Convenções Dili (CCD).**
- Wainhira sente katak sai kontaktu-besik ba ema ruma ne'ebé detetau pozitivu ona, no seidak hetan kontaktu husi ekipa konjunta saúde: **bele liga ba numeru 119 atu organiza oin sá foti swab**

VI. APELU

1. Apela ba populasaun iha Dili laran no mós iha Munisipiu sira seluk, atu apresenta-an iha facilidade saúde públiku (Sentru Saúde ka Ospital) ne'ebé besik, wainhira sente isin-manas, ka kakorok moras, ka inus-ben, ka mear, hodi bele hetan atendimentu husi profesionál saúde sira. Wainhira sedu liu hatene se virus ne'e kona ita ka la'e, di'ak liu, hodi nune'e bele hetan atendimentu sedu liu, no prevene tama ba iha situasaun ne'ebé hanaran sindroma insufisiénsia respiratória aguda (SIRA), ka susar/difisil atu dada-i'is.
2. Ba populasaun iha Timor-Leste laran tomak, ***maski karik simu ona vasina, favor respeita nafatin regra prevensaun no ijiéne individual, ne'ebé Governu hatu'ur ona, atu prevene moras Covid-19 da'et ba mai.*** Regra sira ne'e, hanesan ita hotu hatene ona, maka: (a) uza máskara; (b) fase liman beibeik ho sabaun ka dezinfetante ruma; (c) evita kose liman ba matan, inus hoibun; (d) wainhira kumprimenta malu, la presiza ka'er liman, bensa-liman, rei-malu ka haku'ak malu; (e) evita halibur malu barak; (f) hamri'ik ka tur do'ok husi ema seluk, mínimu metru ida ho balun.

-ninin no rohan-

RMA